

八指頭陀詩集

八指頭陀詩續集卷四

釋敬安寄禪

贈陸漁笙太史卽次其生日感事原韻

瓊島吟歸莫問年青松手種蓋初圓講筵人坐春風暖
試院茶思舊日煎北海無尊不醉客東山有夢亦朝天
月湖烟景今寥落白社重開望大賢

奉訪陸太史次前韻二首

相逢休話永嘉年痛哭金甌缺不圓佛眼亦因塵刦閉
禪心如在滾油煎七分擬割花宮地時議僧道十分田產者抽七分充學費
堂經一綫憂存杞國天太息江河今日下中流砥柱賴

公賢

不幸同生衰晚年腥羶分佈地球圓蝸頭有利都爭括
龜背無毛尙苦煎縱是魯連難蹈海若非靈運定生天
知公便死猶睭目王室中興望後賢

前詩意猶未竟三疊前韻

一卧滄洲今幾年澄波浩月悵孤圓是風欲撼三山動
刦火能將大海煎白髮詞臣老憂國緇衣釋子忝談天
四明耆舊彫零盡魯殿巍然存一賢

過陸太史宅奉題四疊前韻

小隱城西那記年此心如水任方圓谿邊茅屋牽蘿補

松下寒泉帶月煎一杖白雲行樂地四山黃葉著書天
老來萬事都無累陳實人稱有子賢

山居二首五六疊韻

一室蕭然懶計年漸看鶴髮蓋頭圓時煨野芋留雲餉
自汲寒潭掃葉煎萬壑松濤明月夜五湖烟水白鷗天
老投巖谷藏吾拙火種刀耕效昔賢

林間小住已年年捕石爲床枕木圓閒剪谿雲將衲補
淡收山翠當茶煎半鉤白墮巖前月一綫青來樹裏天
無事巖中時晏坐渾忘十聖與三賢出佛經三藏法數

山居兼懷陸太史黃司馬七八疊韻

寒盡深山又一年雙池皓月幾回圓世情淡似秋雲薄
禪味清於夜雪煎人在定中忘白日屋從破處補青天
由來佛法無多子翻覺毘耶杜口賢

寂寞幽居老忘年忽驚珠露滴松圓碧蘿風動蒲龕冷
白朮香聞瓦罐煎不許微塵生淨土欲移定石坐禪天
山中聽罷蓮花漏苦憶陶潛解印賢

月下對梅

高冷不宜人蕭然自絕鄰四山殘月夜孤驛小橋春暫
對翻疑雪清香不是塵逋仙猶認影誰復識其真

雪後尋梅

積雪浩初晴探尋策杖行寒依古岸發靜覺暗香生瘦影扶烟立清光背月明無人契孤潔一笑自含情

謹次黃鞠友司馬甬江留別原韻四首卽送其行
離歌乍聽嘆飛蓬萬戶愁侵甬水東不獨枝頭驚宿鳥
可堪草底泣寒蟲白雲有意攔行路碧海無波見治功
太白峰高如峴首他時墮淚憶羊公

攀轅無計駐征驂別思偏教老衲諳莘火生涯容我懶

木樨公案復誰參

山谷參晦堂禪師有木樨公案

徐公美已推城北

謂

任徐公

陸老心常在水南

陸放翁詩坐衙常對水南山

此後枯禪倍

寥落青山白髮老何堪

甘棠聊借一枝棲人我渾忘物論齊萬樹春風無病葉
四山殘月有啼雞飛花片片輕隨棹芳草萋萋遠映隄
莫向離亭愁折柳此身同在浙東西

行舟已向綠陰藏忍見南湖舊社荒肯負烟霞忘宿約
便攜琴鶴理輕裝烏紗白衲難爲別黃綬青松兩不妨
千里神交知不隔詩成應許寄支郎

天童坐雨呈鞠友司馬次同人原韻

古殿燈昏磬韻微谿雲擁樹失朝暉萬松鎖斷人間路
莫怪山僧與世違

薜蘿偶作簪纓會山水長留文字緣世外烟霞堪嘯傲

城中車馬莫言旋

楊柳風輕乳燕飛桃花流向釣魚磯雨餘山色轉明淨
萬竹分青上衲衣

山中十日且吟春嘗取山厨筍蕨新休笑枯禪太枯寂
無情花鳥亦相親

乘興宜登絕頂游中原一髮望中收可知太白高無敵
祇有青天在上頭

春山漫興仍次前韻

春山寂寞語人稀倚樹含情對夕暉流水落花何碍去
白雲芳草莫相違

道人活計自天然何用鑿求涉世緣碧水灣灣如帶曲
青山箇箇似螺旋

黃鸝曉坐濕難飛昨夜谿浪上釣磯試出萬松關外望
春田都似水田衣

連朝風雨阻行人看取庭泥虎迹新破衲添棉猶向火
萬山寒翠老難親

晚年愛靜息交游遙碧空青淡不收懶更登樓窮遠目
此身已在萬峰頭

次韻酬盧吟秋茂才二首

老去猶求一字師敢云得失寸心知不貪成佛生天果

但願人間有好詩

盧郎才氣壯青年秀句如花帶露妍惱得山僧聞不得
欲逃詩債泛湖船

黃鞠友司馬二月十七日偕友人入山盤桓兩日

酬唱甚歡因賦五言十六韻以志勝遊卽用贈

別

我公興不淺侵曉出東門以踐名山約而忘綦牘繁維
舟楊柳岸沽酒杏花村野徑隨樵入荒谿逐鹿奔青松
迎夾路翠竹引行軒古寺鳴鐘寂禪房笑語溫盤飧甘
筍蕨世味厭雞豚蟒塔搜神蹟龍潭問水源六時雲繞

棟連日雨翻盆雖使清游阻無妨佳會敦緣蘿情共話
紅豆夢留痕天童有紅豆巖公自號紅豆夢中人擊鉢聯吟榻攀轔慘別
魂烟霞人自棄邱壑道誰論去矣冲霄鶴其如嘯月狼
良辰難再至真契久應存此後勞相憶逢僧好寄言

雨中遣悶登鞠公韻四首

道人心愛靜避世入雲峯箬笠晴收芋袈裟晚晒松寺
藏千畝竹夢破一聲鐘行脚吾已倦閒拋五尺筇
塵飛不到處插漢有奇峰室白雲生棟衣寒翠染松苦
吟方得句喜極欲鳴鐘擱筆一長嘯蕭然倚短筇
四明眞佛地太白最高峰虎踞千巖石龍蟠萬壑松谿

雲寒夜榻山雨濕晨鐘欲出愁泥滑苔痕上竹筇
遠與塵境隔門前鎖萬峯禪心潭底月僧臘殿前松殘
雪融春嶼寒谿咽暮鐘客來方問法一笑便橫筇

登玲瓏巖次同人韻

千古玲瓏勝清游各一時且尋林下趣休話劍南詩養
性非關酒忘情不採芝但須腰脚健莫負紫藤枝

上巳日獨登玲瓏巖曾懷前游得五古一首卽寄

鞠翁

棲鳥嚶嚶鳴伐木丁丁響念茲懷故人良辰悵孤往丹
鳳已辭岡白雲猶在杖悽悽感去留忽忽成今曩靈岩

再攀踢神會俄俯仰谿桃失舊姿林旭延新晃幽苔繡
禪石空翠潤琴幌山水轉澄鮮惜無同心賞遙賡紅豆
吟籌我青霞想

重過石頭城登掃葉樓

海風送帆楫重過石頭城地失盤龍勢樓餘掃葉聲三
山天外落二水檻前明惆悵古今事浮雲空復情

題夏伏雛燕北紀難圖二首

輦下忽交兵煙塵暗帝京黃巾惟殺戮白骨苦縱橫安
逸慚諸將艱危累聖明河山餘破碎回首不勝情
倉卒誰言戰都門踞虎狼衣冠迷草野宮殿冷斜陽石

馬趨無汗銅人泣有霜披圖意悽惻不覺淚沾裳

與俞恪士觀察重登掃葉樓

高樓矗立水雲間與爾重登鬢已斑千載洲仍餘白鷺
六朝事往剩青山寒煙古寺鐘初度落日中原鳥倦還
塵海滄桑那忍說且憑尊酒一開顏

山行露宿

松根當枕草爲氈月白風清放膽眠山鬼不尋窮衲子
恐儂索取草鞋錢

題李藝淵觀察慕萊堂圖并序

按老萊子楚之蒙山人今臨江府有老萊亭卽

其遺蹟也藝淵觀察守此郡時以不能迎養築慕萊堂於署東以志慨云

臨江誰築慕萊堂仙李盤根奕葉昌衡獄鍾靈倍英俊
蒙山遺德更輝光白雲迴望情何極綵服承歡老不忘
豈獨蘭階歌孝思郡人猶自頌甘棠

嗟余七歲作孤兒我弟呱呱斷乳時度母生蓮常自誓
乞鄰借米每啼飢傷心故里辭親愛祝髮空門賴佛慈
畢竟深恩難報答披圖不覺淚如絲

過顧石公居

城居車馬却閒閒草色當門綠不刪暑氣自銷池上竹

清談如對剡中山荷花香送窗三面楊柳陰藏屋半間
高士幽棲真絕俗月明惟見鶴孤還

俞恪士觀察招集後湖次顧石公韻

四面水光涵波涼鷗夢酣微吟過竹院一笑倚蒲龕池
蓮紅間白徑草綠於藍忝與羣賢集聞塵淨妙談

白下別陳伯嚴考功

與君俱老矣回首一沾衣白下重爲別青山獨自歸晚年情更苦舊社事多違此後休相憶孤雲無定依

題文小坡內閣石芝詩夢圖

達人澄內觀足不出戶庭室虛雲共白夢裏山猶青抱

冲體自舉翼彼元鶴輕靄靄石芝秀實惟德斯馨聖境
與神會詎曰無因生湛然心境明萬象無潛形一悟排
言詮夢覺兩冥冥

六月十八夜訪俞恪士觀察新居坐池上納涼卽事

柳梢微雨過池上早涼生坐覺綠陰好如臨碧澗清徘徊
片雲影斷續一蟬聲此後海山隔難忘今夕情

金陵別李二翰林瑞清

天風吹海立送我石城游偶與故人會還迴越水舟白
門寒暮雨明月照高樓悵望烟波闊孤雲隨野鷗

贈劉彝庭觀察時寓居毘盧寺

彝庭老觀察白首卧祇園避俗聊自適逢僧笑且言
筍供小酌風雨掩重門宦味如秋冷城居寂不喧

余將歸四明夏伏雛以詩贈別次韻答之

歸卧越中寺萬松青到門更無塵事擾但覺瀑聲喧此
地難爲別他時更愴魂惟留滄海月長爲照清尊

將歸天童別劉應洲

久悵水雲隔相逢轉自憐十年俱老矣兩鬢各蒼然西
風白門柳落日越江船歸路滄江晚澄波月正圓

登太白峰絕頂眺海

何處登高豁遠眸振衣直上亂峯頭青天欲墜雲扶住
碧海將枯淚接流萬里烽烟連鳳闕一時雷雨起龍湫
河山北望情何極鯨浪誰能靖五洲

次車眉子廣文見贈原韻四首

平生洗眼水雲寬五嶽羅胸翠一園行脚天涯吾已倦
將心不復與人安

衡巖煨芋一枯禪破衲離披懶問年偶與高人成邂逅
無言相對亦前緣

時事滄桑百變新忘機鷗鳥亦傷神腥羶滿地難容足
願作維摩畫裏人公工繪事

新亭收泣復何人
莫漫煙霞寄此身
世上悠悠甯足道
好將書劍淨風塵

漫興四首仍次前韻

大千一粟未爲寬
打破娘生赤肉團
萬法本閒人自鬧
更從何處覓心安

莫笑天童八指禪
蘿衣草履自年年
多生結習銷磨淨
山水惟餘文字緣

千年詩思碧雲新
不羨湯休句有神
願向空王乞真印
誰甘慧業作文人

此法能傳有幾人
百千萬刼坐禪身
虛空粉碎無餘事

佛祖猶爲鏡上塵

寶慶寺益舟上人新構佛殿僧寮賦此志頌兼懷
其師祖慧修長老

華嚴樓閣又重開八部同瞻一善財銀杏當門寒有子
金沙佈地淨無埃林間猿鶴窺禪定海上魚龍聽梵來
白足高風思慧老看從法苑剪蒿萊

八月十五夜海上望月有懷明果師弟

萬里青天無片雲此時望月最思君一輪本自同圓照
碧海清湘了不分

寄懷金山妙湛首座

霜萎靈萱不忍看

使君持節粵東時內助多才福命奇萬樹紅霞荔支熟
吏人相見祇談詩

清芬令德儘堪傳助賑延宗世更賢善了平生夫子志
柏臺含笑向重泉

儒林風雅出閩門莫作尋常女士諭脂粉分資共石印

水經七校注猶存

夫人父般軒先生家藏七校水經注世稱善本夫人出資重刊

白首長齋大士前不生佛國定生天西風齊酒孤寒淚
肯拔金釵置義田

夫人建義塾延師課孤寒子弟

驚聞王母返瑤池山色泉聲也動悲自愧枯禪才力薄

強歌薤露獻哀詞

舟中望金山感作二首

波心浮玉寺不到三十年偶乘賈舶下近與城郭連人
事何嘗定山川亦變遷竈鼉出沒處今見牛羊眠
片石倚枯藤安禪憶昔曾虛空皆粉碎駭浪任掀騰偶
與烟波別俄驚歲月增青山如具眼應識白頭僧

次唐人張祜題金山寺韻二首

一片琉璃水空青淡不分遙看滄海月吞却碧霄雲漁
火隨星動潮音雜梵聞中冷如美釀未飲已先醺
步上金鰲背空濛海色分江流巴蜀水樓壓楚天雲過

檣甯妨定驚濤了不聞

孫蔚金山詩有過檣妨僧定驚濤灑佛身之句却憐塵

世客無酒亦醺醺

陸漁笙太史七旬誕辰作此奉贈

人生七十古稀年况復蓬萊列上仙吟鬢尙餘瓊島雪
朝衣猶帶御爐煙秦關百二曾持節弱水三千早繫船
欲學嬾殘煨芋贈肯將鐘鼎換林泉

還山別陸太史

殘年飛錫出深山欲看梅花也不閒纔與高人同一飯
仍歸疏雪細雲間

題章介人太守銅官感舊圖四首

并序

咸豐四年粵寇犯長沙時曾文正公以在籍侍郎墨經治軍銅官渚兵敗公憤極投水時介人爲幕賓力援得不死及金陵大功告成當時部卒皆得置身通顯獨介人浮沉牧令亦數奇矣論者謂文正將別有以報介人故非淺識所能知也介人感舊爲圖徵詩一時如左文襄李次青方伯諸公皆爲文以記其事云

銅官渚與汨羅鄰墨經從戎憶老臣若便將身葬魚腹豈能當代畫麒麟

湘水無情日夜東休將往事問漁翁書生何必臨前敵

此是中興第一功

患難相從不等閒

曾文正嘗謂李次青方伯云
價人爲余患難友豈能忘耶

白頭無

語對青山翻思介子焚棉意不在區區竹帛間

岸芷汀蘭春復春江山如舊畫圖新先生亦是無情者

不許靈均有替人

題嚴小舫觀察春江意釣圖

甲辰

艷說嚴陵有遠孫雲臺已邈客星存披圖如見羊裘叟
猶覺桐江釣石溫

江上春潮沒釣磯谿花相對淡忘機不須更入桃源去
恐引秦人欲憶歸

家住慈湖湖上山青松碧柳映蒼顏磯頭宴坐誰能會
不犯清波意自閒

掌握絲綸任不輕一波纔動萬波生何如早濯滄浪足
放下魚竿卧月明

寄呈江督魏午莊宮保八截句并題其洞庭歸釣圖

曾持一劍靜三邊白髮丹心老益堅東閣於今虛席待
文襄衣鉢要公傳公生平去住如左文襄其治軍亦恍惚相似

坐鎮秦州百二關軍民相見各開顏祇今落日長城外
楊柳青青不忍攀楊柳今成林矣

老將王命入黔滇絕塞軍威尙凜然移節南洋資鎖鑰

不教鯨浪勢滔天

烟波漫釣洞庭春正值蛟龍戰鬥辰長願石尤阻歸棹
中流砥柱賴斯人

朱陵福地記曾登煨芋留殮媿老僧爲問江南庾開府
同遊應憶最高層

一自寒巖別使君白雲蒼狗變紛紛却憐滄海無窮事
祇隔青山便不聞

去年訪舊白門遊小住仍回甬水舟不敢蘿衣謁朱紱
閒情只合伴沙鷗

公勤王室我安禪廊廟山林各有緣望日開雲思舊事
此心還在祝融巔

王辰秋曾陪公登祝融峯觀日出

次韻酬嚴詩會

太白峯頭屋數間高眠應羨老僧閒眼前滄海杯中水
頭上青天腳底山滅燭夜延松月朗閉門時拒野雲頑
祇嫌吟鬢蕭蕭白詩債經年尙未還

陳子言由申江以詩見寄次韻奉酬

蛟龍戰苦陣雲深黃浦猶聞白雪吟大地烟塵無淨土
空林猿鶴有哀音休誇返日金戈奮忍見橫波鐵艦沉
願與高人長論道萬重寒翠肯相尋

與嚴秬香先生茗話有作

白髮哀時叟清湘罷釣人焚香常寢坐掃地却新塵一
任浮芳豔長存古柏真雲山行脚倦喜與笑言親

余自四月還湘吳夢舟贈詩次韻奉酬

百城烟水一身還三載睽違鬢已斑夢醒剝谿殘磬外
詩寒台嶽片雲間憐君好句清無敵笑我浮生老未閒
安得相携陵海嶠杖頭星斗手同攀

送王翊君之江南并柬李梅痴太史

一雨湘城風景閒送君去看秣陵山臨川太史如相問
隔歲梅花債要還太史曾許爲余作梅花手卷

將還天童別吳夢舟秀才

湘城傳夜管浩蕩起離愁欲載洞庭月歸隨滄海舟難爲故人別況近楚江秋莫問水雲意含悽對野鷗

八指頭陀詩續集卷之四終

八指頭陀詩續集卷五

釋敬安寄禪

江南放棹

秋江好煙景如在畫中行寒鷺沙際浴夕陽霞外明潮連江總宅山近謝宣城何處吹漁笛彌懷滄浪清

寄義甯公子陳伯嚴二首

俗子紛紛據要津憐君寂寞卧松筠流枯滄海哀時淚
祇作神州袖手人公子有憑欄一片風雲氣
來作神州袖手人之句

何處烟霞息見聞匡廬山色淨塵氛相期共結蓮花社
傳語青猿守白雲

附義甯公子次韻二首

碧湖花雨照迷津十五年前挾老筠

謂丙戌秋郭筠仙侍郎於

碧浪湖作展重陽會石火光中吾未死乾坤毀後汝何人

縹渺潮音倚雁聞樓臺歌嘯隔霾氛虬鬢白足自來去想得袈裟生海雲

贈陳鶴柴居士二首

清逾野鶴瘦於柴混俗塵中有好懷滿耳笙歌花霧裏

此心不異在雲崖

人間何處愜幽尋雲海相期盪此心萬仞巖前分片石
坐收寒翠入清吟

贈吳彥復

一疏驚天劾大璫不妨風雅更清狂長揖歸來復何說
滿懷秋思立殘陽

次夏穗卿見贈原韻一首

海波湧雪透襟涼慧命如絲幾欲亡我法金湯猶有賴

袈裟和淚拜錢塘

時將往杭州開學堂君極贊成

遇周彥升於申江感賦

長沙一別十六載碧浪湖邊憶舊遊黃浦江頭重相見
西風寒葉不勝秋

訪李茹真於海國春酒樓

歲暮天涯訪舊遊扶筇却上最高樓白雲飛盡滄波晚
風雨蕭蕭海國秋

八月二十日與夏穗卿狄楚青黃益齋吳彥復陳

鶴柴小集滬瀆酒樓

黃浦江邊百尺樓海山當檻酒盈甌一時良會豈易得
抵掌開襟話五洲

高樓廻首望中原滿目河山破碎痕塵世何方安樂國
誅求今亦到空門

時事須臾萬變更浮雲應妬月孤明維持像教賴公等
莫許波旬擾化城

楊哲子孝廉遠適日本作此奉寄

借問吾湘楊哲子一身去國歸何時故山猿鶴餘清怨
大海波濤動遠思獨抱沉憂向窮髮可堪時局似殘棋
秋風莫上田橫島落日中原涕淚垂

甲辰九月朔重過杭州松風定能海峯諸長老邀
余陪日本淨土宗伊藤賢道法師泛舟西湖感
而有作

西湖豈料吾重到彈指人間二十年白髮蒼顏身老矣
青山紅樹興蕭然喜陪南岳舊禪侶謂海共結束瀛淨
土緣風景滿前吟不盡夕陽寒磬放歸船

贈夏大令

卓卓禪門令危言動腐儒既排原道論還薄晦庵書有
願護靈鷲無心喫冷豬如公真哲學門戶意全除

陳鹿笙方伯自蜀中罷官僑寓西湖甲辰秋晚遇
於滬瀆把臂道故輒成此詩

崎嶇蜀道古來難七十八翁今復還會整衣冠服羣盜
公戡定蜀匪有不淹日月靖諸蠻良弓高鳥俱休論布
衣冠廬戰鬪
襪青鞋好是閒世事浮雲紛萬變獨留老眼看湖山

贈狄楚青

仙骨森森凌紫虛雲霞舒卷任何如獨持海上風潮論

不上人間鄉相書

示鬢因

曾與維摩結淨因天衣猶認鬢陀新莫吟柳絮驚人句
好向蓮花見佛身

秋晚還天童留別陳鶴柴

我愛詩人陳後山連朝日暮並車還黃花細雨澹詩意
寒葉西風黯別顏儻許共吟千嶂月相隨直入萬松關
天童去此無多路祇在孤雲落照間

秋晚劉海臣太守偕友人入山適余有事之杭及
歸公已去讀其留題丈室詩悵然有感謹次其

原韻寄呈

勝侶良辰發興奇
名山猶自想風儀
何堪絕壑尋秋日
恰值孤雲出岫時
惆悵未陪林下語
歸來惟讀壁間詩
會須一問遺民訛
好訂蓮花結社期

暮秋閱報紙見義甯公子由金陵返豫章九江舟
中之作因憶曩與君陪郭筠仙侍郎於長沙碧
浪湖作展重陽會彈指十五年矣故人存歿之
感一時橫集次韻奉懷不知涕之何自也

此生豈分作詩囚垂老江湖一葉舟遙夜朗吟溢浦月
孤襟涼帶石城秋題糕應憶碧湖社載酒曾陪白髮遊

十五年前思舊事不禁淚濕海雲頭

閩人周居士殿樞自采石磯太白樓致書問訛以詩代簡奉酬

采石磯邊太白樓勞君尺素遠相投山中老衲還高卧江上名區可一遊經卷得閒須展讀風帆未滿却宜收白雲蒼狗紛紛事肯與忘機狎海鷗

今秋八月廣東揭陽縣因奉旨興辦學堂驅

逐僧尼勒提廟產時有老僧禿禪者年已八十九堪地棍衙役之擾乃斷食七日作辭世偈八首沐浴焚香誦護國仁王經畢卽合掌端座而

逝余哀之次其韻以紀一時法門之難

孤禪寂寥與時違黃葉蕭蕭落滿衣今日空門無地托
茫茫雲水欲何歸

人天掩袂淚流丹鐘鼓無情夜月寒世出世間皆有累
爲僧爲俗兩皆難

謗佛排僧口爍金不容地上有禪林慈悲忠恕原同理
猶感純皇護教心想忠恕念慈悲思想應三教同心此純廟難羣臣汰僧之語也

山河破碎夕陽餘一片傷心畫不如祇恐空門無處著
白頭和淚上官書

人非豺虎日磨牙公牘紛紛入省衙試問揭陽賢大令

老僧何罪要拖枷

佛亦哀時敢自寬中流誰爲挽狂瀾可憐慧命垂危急
一息能延賴長官

禪心對境本無妨昨見流亡哭一場若使窮黎俱得所
男誰爲盜女誰娼

爭人爭我枉焦唇割肉醫瘡任此身但願羣生登樂土
大千世界轉祥輪

爲饒石頑舍人女竊雲詩集題詞

舍人昔友我支許各自期笠屐相往來談笑情無疲其
女尙未字乃父授以詩過目卽成誦凝神恒若痴惟愛

親此墳轉羞塗粉脂得句倩弟寫把卷啟吾疑清才難
屢得雛鬟豈如斯深聞聞此言良久淚猶垂阿儂固不
敏彼禿亦何爲旣嫁作人婦仍下讀書帷吟唱益精進
鸞鳳歡追隨巾杖侍遠遊江山發藻思西湖蓮拂珮北
固翠橫眉雲霞方散綺蘭蕙初吐夷秋霜胡不仁瓊英
忽已萎黃絹遺芳咏青山埋玉姿謝娥甯足比班妹或
心儀借問織錦手應留繡佛絲降靈必瀛島稅駕合瑤
池感化理不昧懷貞信彌奇伊余忝父執爲爾一題詞

挽文芸閣學士三首

宣室猶聞訪逐臣可憐才大不謀身西江煙月空千頃

內翰文章第一人待漏苦吟 雙闌曉拂衣歸釣五湖
春秋風一夜瓊枝折落日孤雲亦愴神

十五年前碧浪湖展重陽會記還無侍郎白髮曾搆酒

野寺黃花共飯菰漬停雲勞憶汝瀟湘落月渺愁吾

淒涼舊社幾人在支許神交老益孤

丙戌秋郭筠仙侍郎於長沙碧浪潮

作展重陽會一時英耆俱集公與余均與斯會去年公在滬上作懷人詩尙齒及余

空巖木落氣蕭森感舊哀時益苦吟滄海難填精衛恨

白雲廻望故人心中年沉醉非關酒上國和戎欲鑄金

時美人請易金鏹爲款君到九泉應痛哭老禪猶自淚沾襟

再挽文學士五絕句

痛哭東林黨禍餘朝衣典盡尙收書平生亦病文園渴
不向長門獻子虛

一笑投簪返舊林蒼涼時事鬱孤襟可憐頭白匡山裡
誰諒孤臣去國心

曾入空王不二門文人慧業自長存諸天花雨紛紛落
獨有維摩默不言

人間何處可安禪刦火焚燒海欲然兜率天中猶有漏
好歸佛國證金蓮

廻觀三界事無窮都付浮漚一笑空坐斷死生來去路
青山原在白雲中

贈喻明州一首

並序

明郡四明山峯巒高峻巖洞幽嚴實應真羽客
神棲之藪也山有石竈巍然特出重雲之表四
面明敞越中全境一覽無遺四明明州均以是
名惟地濱海瀛風潮衝突林岫叢雜山賊海寇
時出沒其間古稱難治邇歲奸民設賭局名花
會引誘鄉愚男女胥征罷織荒農有司雖知其
害衙役鄉保於中分肥緝捕不力由是盜賊紛
起閭閻苦之庶三喻公以名翰林出守斯郡下
車伊始廉得其情密飭營弁緝獲渠魁數人寘

之於法此風頓息民賴以安咸稱賢太守不置
余美其善政爲五言古詩一章贈之

達人抱玄朗塵垢甯我擾出應黃屋求猶挺青松貞神
理足自貴圭組非公榮越州古仙都四明何崢嶸秋花
潤丹岩遙霞標赤城剖竹守斯郡甬水揚其清海波寒
自息刁斗夜不驚井邑有絃誦山塗無榛荆昔時豺虎
窟今聞樵牧聲伊余蔭宇下聊得襲芳馨孤襟賴以吐
微尙荷有成載歌甘棠詩慨然起深情

寄吳彥復

山中何事可相聞日夕閒情說與君擊鉢吟殘千嶂月

采芝纏滿一身雲寒松瘦石清誰味意蕊心香細自熏
却憶維摩居士室鬢天花雨日紛紛

寄酬俞恪士觀察一首

并序

甲辰六月俞恪士觀察由金陵來甬偕喻湘平
孝廉羅偕子大令仇繩之茂才枉顧天童時余
已先期還湘待余山中七日題詩惆悵而去余
歸不及一晤讀其交空四海公垂老愁入深山
雨易成料得歸來應有淚不因禪寂便無情之
句不盡二十年故人之感秋夜耿耿離愁黯黯
泣然成七律一章用酬其意卽以奉寄

故人遠自白門來
潦倒中年亦可哀
寂寂江山成獨往
茫茫身世付餘盃
可堪一棹還湘去
徒使孤帆渡海回
惟有青天好明月
照人兩地各徘徊

再寄恪老二絕句

紫薇山上碧湖邊
往事依稀在目前
一十七年如電掣
西風吹鬢各蒼然

我自瀟湘打槳還
故人歸卧秣陵山
孤禪寂寞誰相問
落葉殘陽獨掩關

冬日偶作

忽見梅花發思鄉
又一年衡雲離岫直
海月抱天圓去

住初無意行藏似有緣滄桑看已慣是處可安禪

不寐

禪房鐘梵歇不寐聽猿吟幽興老難遣詩魔病益侵移
牀就明月得句抵黃金早識浮名妄其如此夜心

懷湘吟

久矣萬緣寂惟餘故國情衡崖飛翠冷湘水照人清賦
鵬憐賈誼懷沙弔屈平蒼梧遺舜廟松柏拱丹楹
洞庭諸水匯天地混茫茫大澤通雲夢高樓倚岳陽湘
娥餘淚竹楚客惜蘭芳萬古風騷地令人憶不忘

余近日養疴天童影未出山昨閱報紙禿黎狡詐

一節云余已航海詣東京皈依本願寺大谷派
矣不禁啞然一笑因爲四絕句寄滬上夏穗卿
吳彥復狄楚青陳鶴柴

忽忽潮音振耳聞空中樓閣但霾氣何曾掛席東瀛去
未出青山一片雲

老病龍鍾祇閉關西方佛國待余還金池一朶蓮花外
兜率無心況海山自樂天晚年奉佛願生兜率天見慈氏時有人覆舟至一山榜曰蓬萊見樂天列名其上樂天聞之醉以偈云海山不是吾歸去歸卽須歸兜率天余則懇心安養餘非所願矣
萬物平觀理自齊渾忘南北與東西我身不有餘何事
一任人呼老禿黎

滻上高人不可招青天碧海路迢迢且將白社間中咏

寄入黃鑪醉裡謡

彥復與穗卿酬唱有黃鑪前後謡故云

重過吉祥庵留宿歸舟感賦

古寺重來廿六年青松紅樹尙依然頭顱半白人垂老
世事全非佛亦憐山近馬鞍山名雲在牖潮生鱣浦地名水
平川匆匆一宿便歸去半夜鐘聲催客船

吉祥庵阻雨又一絕句

行裝已發又留連夜雨寒燈濕不然一宿因緣猶未了
老僧重掃白雲眠

文公達寄示其尊人芸閣學士已亥懷余七絕一

章有愴於懷因次其原韻二首追述舊游

碧浪湖邊攜手日漫天花雨演真乘前塵影事依稀在
腸斷雲山舊衲僧

淨名金粟前後世會得三乘祇一乘踏破鐵鞋徒自苦

輸君有髮亦如僧

學士有句云獨有淨名無一語天風吹座落花深

附文學士原作

雲山踏破萬千疊宗說遙通上下乘挂屩楓前感
今昔何緣得遇雁門僧

甲辰臘杪水賓笙茂才來山度歲以除夕書懷七
絕一首見示因次其韻四章贈之

遮莫年華似水流碧紗長護好詩留爐中煨芋從君啖箇味能嘗焉用愁

門鎖青松映碧流雲邊片石久相留請君坐此聞仙梵一洗人間萬古愁

萬壑寒松翠欲流此中隨意可勾留不宜拋却煙霞去恐引梅花動別愁

巖洞幽深水曲流於茲避世且淹留春風二月桃千樹省却漁郎別後愁

贈別洪啟唐茂才

乙巳

寂寞空山誰扣門與君相見笑言溫如何別我城中去

細草閒花欲斷魂

送許繼詢出山

依依七日山中住
忽忽送君松外歸
料得還家應憶我
長空惟見白雲飛

吳北山由日本還申作此奉寄

見說乘槎萬里行
勝遊知已徧
東瀛掀天波浪供吟嘯
出窟鯢鯨候送迎
花近高樓傷往事
中東和議成於春
帆樓有吳摯父題
傷心處三字
於此樓云
雲歸絕巘愴餘情
遙憐黃浦江邊月
應爲哀時黯不明

乙巳秋劉子芙蓉府由蜀渡浙在顧天童爲五律

二首贈之

蒼翠落東海此山高挿空誰攜綠玉杖掛我碧玲瓏涼
步踏潭影薰衣坐桂風休尋出雲路鎖夢萬松中
錦江山水好勝覽却輸君試問峨嵋雪何如太白雲流
泉供清賞煨芋許平分月下寒猿嘯應同巴峽聞

子芙蓉府小住山中十餘日行將出山再疊前韻

二首贈之

幽興頗不淺攀蘿俯碧空不辭山突兀惟愛石玲瓏聽
竹眠秋雨移琴弄晚風且拋黃綬事老我白雲中
巖谷罕人事幽懷細語君苦吟常對月冷抱欲生雲苔

碧寒更好空青淡不分溪山如此美莫遣別離聞

中秋對月

明明一輪月湧出碧雲端風露秋都澹星河夜未闌光
浮蘭葉淨香動桂花寒坐覺諸天近無言還獨看

前詩未竟妙明之理復爲五言一首

寂寥此禪坐空階露華白心光耿相照但有指頭月太
空無片雲皎皎圓理澈坐久若有悟澹然離言說

又七絕一首

長庚山上蘊珠城萬里微雲淨太清一樣平時碧天月
照人無此十分明

日本滑川達澹如自上海寄詩見懷輒成七絕四

章答之卽約入山消夏

山中幽寂苦思君煙外飛涼日夕聞莫向人間苦炎熱
洗心來入萬峯雲

白藕香清暑氣微綠陰晝靜客來稀萬松密鎖雲間寺

六月寒生溪上衣

萬壑煙嵐絕點埃寺門臨水映花開松風夜半清難寐
猶待幽人踏月來

家住扶桑近日邊主持清議筆如椽

君時爲同文好攜
滬報主筆

黃浦江頭月來試白雲山上泉

再答澹如

大暑日流金聞君白雪吟如招松頂月同聽澗邊琴既
愜入林趣彌清出世心含情動微韻聊用答知音

聞陳師曾由日本返金陵再次前韻奉寄

見說東遊返白門江南黃葉已盈村遙知兵甲胸中滿
不放風濤筆底喧君雖力崇新學議論極平滄海愁生青鬢雪碧湖
往在長沙與君父子開碧湖詩社酬唱甚樂世情已逐浮雲變
神契惟應爾我存

陳師曾次韻見答再疊一首寄之

昨夢逢君白下門夢與易實甫觀察訪君父子於金陵高吟同坐夕陽村

夢與易實甫觀察訪君父子於金陵

直將蓬島煙霞氣一洗華堂燕雀喧文字語言無實義
楞嚴經云但有名言都無實義
東西南北有歸魂南北四魂集可憐八載江湖別吃吃惟餘舌尚存

武陵陳伯濤作宰江南曾以其金陵門存唱酬韻
集見寄湘中時余往浙事繁遲遲未答閱四年
於天童禪課之餘追懷舊事補次其韻

一別仙源出洞門綠蘿閒殺武陵村鬚眉莫悵塵中老
雞犬猶聞澗底喧蒼狗白雲紛世態桃花流水黯歸魂
長沙舊事吾能記長恨歌殘曲本存君往在長沙有次
長恨歌原韻七古

一首一時傳

抄幾徧湖湘

李白山感事

欲舒老眼豁重昏，太白巍然海上尊。
塵世滄桑看已慣，雲山寂寞道猶存。
宗門悟道有粉碎虛空平沉大地之語
復何事粉碎虛空無一言，惟有哀時心尚在。
白頭垂淚望中原。

魏玉銘明府遣其妾玉蓮索詩作此應之

偶因乞食渡恒河，紅樹青山畫裡過。
誰遣朝雲參佛印，却緣天女識維摩。
芙蓉出水禪心淨，貝葉吟風梵語和。
四大本空無一物，散花休問意云何。

輓屠雲孫明府

東林蓮社久追陪，忍醉淵明酒一杯。
五斗折腰非戀祿，三年泣血未忘哀。
君時丁太夫
人憂未滿
微霜豈意摧高柳，快雪何心見早梅。
太息故人今隔世，青山冷抱白雲來。

寒夜口占

萬重寒碧一燈昏，坐久疏林見月痕。
夜半虎嗥人在定，不知松雪壓巖門。

冬夜漫興二首

道人寒夜興悠然，自折松枝煮竹泉。
却向茅亭看鶴睡，旋移藤榻枕雲眠。

人間無夢到山家，睡醒爐烟一縷斜。
夜半溪聲疑是雨，

起看明月在梅花

月夜不寐

北斗橫天夜欲闌
梅花睡鶴冷相看
萬松不語風铃歛
清磬一聲山月寒

答顧居士

高寒誰過老僧家
掃雪呼童自煮茶
寂寂茅齋萬山裏
坐看凍雀啄梅花

夜坐燈燄忽綠有影橫窗諦視不見

寺門蕭索鎖寒煙
夜靜誰參白骨禪
燈碧微窺山鬼影
想渠來就草堂眠

八指頭陀詩續集卷之五終